

Na osnovu Odluke o usvajanju Dinamičkog plana potreba za raspisivanje Konkursa za izbor u akademska zvanja na Univerzitetu u Sarajevu - Fakultetu zdravstvenih studija u akademskoj 2024/2025. godini, broj: 04-1-1831/24 od 12.09.2024. (Mišljenje Upravnog odbora Univerziteta u Sarajevu broj: 02-27-25/24 od 15.10.2024., Odluka Senata Univerziteta u Sarajevu broj: 01-15-202/24 od 25.09.2024.), Odluke Vijeća Univerziteta u Sarajevu - Fakulteta zdravstvenih studija broj: 04-1-2512/24 od 14.11.2024., Odluke Senata Univerziteta u Sarajevu broj: 01-6-40/24 od 27.11.2024., raspisuje se

KONKURS **za izbor u akademska zvanja**

I Nastavnik u zvanje redovni profesor – radni odnos s punim radnim vremenom na Univerzitetu u Sarajevu

1. Nastavni predmeti „Senzorna onesposobljenja“, „Inkluzivna rehabilitacija“ i „Inkluzija osoba s razvojnim teškoćama“ – 1 izvršilac

2. Naučne oblasti „Zaštita i njega individualnog zdravlja“ i „Opšti zdravstveni predmeti“ – 1 izvršilac

II Nastavnik u zvanje vanredni profesor

1. Naučna oblast „Zaštita i njega individualnog zdravlja“ – 1 izvršilac bez zasnivanja radnog odnosa u skladu sa članom 132. Zakona o visokom obrazovanju („Službene novine Kantona Sarajevo“, broj: 36/22)

2. Nastavni predmet „Zdravstvena njega djece“ – 1 izvršilac, radni odnos s nepunim radnim vremenom

III Nastavnik u zvanje docent – bez zasnivanja radnog odnosa u skladu sa članom 132. Zakona o visokom obrazovanju („Službene novine Kantona Sarajevo“, broj: 36/22)

1. Nastavni predmet „Sanitarna mikrobiologija“ – 1 izvršilac

IV Saradnik u zvanje asistent – bez zasnivanja radnog odnosa u skladu sa članom 132. Zakona o visokom obrazovanju („Službene novine Kantona Sarajevo“, broj: 36/22)

1. Nastavni predmet „Sanitarna mikrobiologija“ – 1 izvršilac

Uslovi za izbor, u skladu sa članom 96. e) i 96. f) i 115. (4) Zakona o visokom obrazovanju („Službene novine Kantona Sarajevo“, broj: 33/17) i članom 112. a) i 112. d) Zakona o visokom obrazovanju („Službene novine Kantona Sarajevo“, broj: 36/22) su:

Redovni profesor: proveden najmanje jedan izborni period u zvanju vanrednog profesora, najmanje osam naučnih radova objavljenih u priznatim publikacijama koje se nalaze u relevantnim naučnim bazama podataka, najmanje dvije objavljene knjige, originalni stručni uspjeh kao što je projekt, patent ili originalni metod, te uspješno mentorstvo najmanje po jednog kandidata za stepen drugog odnosno integrisanog ciklusa studija i trećeg ciklusa studija

Vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama koje se nalaze u relevantnim naučnim bazama podataka, objavljena knjiga, originalni stručni uspjeh kao što je projekt, patent ili originalni metod te uspješno mentorstvo najmanje jednog kandidata za stepen drugog ciklusa studija odnosno integrisanog ciklusa studija;

Docent: naučni stepen doktora u naučnoj oblasti na koju se bira, minimalno tri naučna rada objavljena u priznatim publikacijama, od čega je jedan naučni rad objavljen u publikaciji relevantnim naučnim bazama podataka;

Asistent: odgovarajući univerzitetski stepen s najmanje 240 ECTS bodova i najnižom ocjenom 8 ili 3,5 ili VII stepen studija po predbolonjskom sistemu studija s najnižom prosječnom ocjenom 8.

Kandidati su kao dokaz o ispunjavanju gore navedenih uslova obavezni priložiti:

1. Popunjen i svojeručno potpisan Obrazac prijave na konkurs (Obrazac prijave na konkurs kandidati mogu preuzeti na web stranici: www.fzs.unsa.ba), uz obaveznu naznaku pozicije na koju kandidat konkuriše
2. Kraću biografiju (CV) u elektronskoj i štampanoj formi,
3. Diplome o stečenim stepenima odgovarajućih zvanja koji su uslovima konkursa predviđeni, Rješenje o priznavanju visokoškolske kvalifikacije, ukoliko je ista stečena u inostranstvu, i drugu dokumentaciju o stečenom obrazovanju,
4. Dodatak diplomi /Uvjerenje o prosječnoj ocjeni tokom studija (za poziciju IV1.)
5. Dokaz o prethodno provedenom izboru u akademsko zvanje (za pozicije I i II)
6. Dokaz o uspješno obavljenom mentorstvu za drugi i treći ciklus studija u skladu s uslovima konkursa (za pozicije I i II)
7. Dokaz o ispunjavanju uslova iz člana 115. (4.) u slučaju prijevremenog izbora u više zvanje, i uslova iz člana 115. (2.) u slučaju kada se iz objektivnih razloga nije mogao ispuniti uslov objavljena knjiga i/ili mentorstvo
8. Dokaz o učešću u originalnom stručnom uspjehu kao što je projekt, patent ili originalni metod, u skladu sa Zakonom
9. Dokaz o zaposlenju u nastavnoj bazi grupacije medicinskih nauka (osim za pozicije I1., I2. i II2.)
10. Drugi dokazi relevantni za izbor.

Svi kandidati, pored navedenih dokaza, dostavljaju izvod iz matične knjige rođenih i uvjerenje o državljanstvu Bosne i Hercegovine, ne starije od šest mjeseci.

Sva dokumentacija se prilaže u originalu ili ovjerenoj kopiji. Dokumentacija dostavljena po konkursu, po okončanju procedure izbora, ne vraća se kandidatu.

Ovjerena kopija dokumenta nema ograničen rok važenja, pod uvjetom da ni dokument nema preciziran rok važenja. Konkurs ostaje otvoren 15 dana od dana objavljivanja.

Prijave putem pošte (sa naznakom PRIJAVA NA KONKURS) dostaviti na adresu: Univerzitet u Sarajevu - Fakultet zdravstvenih studija, ul. Stjepana Tomića 1, Sarajevo.

Nepotpune i neblagovremene prijave neće se uzeti u razmatranje.